

# ҲАРАКАТЛАР СТРАТЕГИЯСИДАН – ТАРАҚҚИЁТ СТРАТЕГИЯСИ САРИ

Тирик, мағрур, ҳақ сўз қуролимиз бўлсин!



Ватан ягонадир,  
Ватан биттадир

— 2022 йил—Инсон қадрини улуғлаш ва фаол маҳалла йили —  
Ассалому алайкум, азиз муштарий!

## ЎСТИҚВОЛ ҲОҶИ

Қўштепа туманининг ижтимоий-сиёсий, маънавий-маърифий газетаси

1943 йил 6 мартдан чиқа бошлаган

www.istiqbolyuli.uz

istiqbol.43@mail.uz

2022 йил 2 август № 27 (8424)

### Муҳим ахборотлар

Президент Шавкат Мирзиёев ҳузурида Пахтачилик кенгаши томонидан амалга оширилган ишлар ва келгусидаги устувор вазифалар юзасидан йиғилиш ўтказилди.

\*\*\*

Ўзбекистон Республикаси Президенти Шавкат Мирзиёев "Тадбиркорлик субъектлари билан самарали мулоқот тизимини жорий этиш ва уларнинг ҳуқуқий ҳимоясини янада кучайтириш чоратадбирлари тўғрисида" фармон қабул қилди.

\*\*\*

Юртбошимиз "Спорт курашларининг Олимпия турларини янада ривожлантириш чоратадбирлари тўғрисида" қарор қабул қилди.

\*\*\*

Давлатимиз раҳбари "Таэквондо (WT) спорт турини янада ривожлантириш чоратадбирлари тўғрисида" қарор қабул қилди.

\*\*\*

Президентимиз Шавкат Мирзиёев "Туркий давлатлар билан туризм соҳасидаги ҳамкорликни жадал ривожлантириш чоратадбирлари тўғрисида"ги қарорга имзо чекди.

\*\*\*

Ўзбекистон Президенти Шавкат Мирзиёев Эроннинг қатор ҳудудларида юз берган кучли сув тошқинлари оқибатида кўплаб инсонлар қурбон бўлгани ва катта талафотлар етказилгани муносабати билан Президент Иброҳим Раисийга ҳамдардлик билдирди.

### "Обод қишлоқ" Давлат дастури амалда

## МАКТАБГА – ЗАМОНАВИЙ ҚИЁФА



Янги ўқув йилида 20-мактабда "Лангар" ва "Шодлик" маҳаллалари аҳлининг 1100 фарзанди таълим-тарбия олади. "Обод қишлоқ" дастури доирасида билим даргоҳини мукаммал таъмирлаш учун 2 миллиард 421 миллион 901 минг сўм маблағ ажратилди. Маблағнинг сарфи, таъмир ишларининг сифати, албатта буюртмачилар томонидан назорат қилинмоқда.

Суратда: мактаб директори Имямин Ҳусанов (ўндан), туман халқ таълими бўлими методисти Раҳимжон Мирзаев, хўжалик ишлари бўйича директор ўринбосари, сифатли таъмирнинг жонқуяри Шавкатжон Турсунов, мактаб ўқитувчиси Тўлқинжон Алибоевлар олиб борилаётган таъмир ишлари мароми ва сифати юзасидан суҳбатлашмоқдалар.

Бахтиёржон РЎЗИОХУНОВ олган сурат.

### Мутахассис минбари

## СУВ-ЭКИННИНГ ҚОНИ ВА ЖОНИ

Унинг ҳар қатраси ҳисобда

Уюшмамиз Вазирлар Маҳкамасининг қарорига мувофиқ, тумандаги 10 та сувдан фойдаланувчилар уюшмаси негизда ҳуқуқий ворис сифатида ташкил топган бўлиб, экин майдонларига сув сарфининг ҳисобини юрятиди ва Давлат солиқ инспекциясига тақдим қилади. Қарорга кўра, шартнома асосида иш юритган истеъмолчилар бир баробар сув солиғи тўласа, шартнома тuzмаган истеъмолчилар белгиланган лимитнинг беш баробари ҳажмида сув солиғи тўлайдилар.

Тасдиқланган бизнес режага асосан уюшмамиз жорий йилнинг ўтган даврида "SAMSUNG" экскаватор техникаси билан 28 километр ариқларни тозалаб, 180 дан зиёд шарбат ҳовузлари қовлаб, истеъмолчиларга бепул хизмат кўрсатди. Уюшмамизнинг 40 дан зиёд ишчи ходимлари 8310 гектар бошоқли дон, 7240 гектар пахта, 4595 гектар бошқа қишлоқ хўжалик экинлари, боғдорчилик, чорвачилик фермер хўжалиқларига ҳамда 52 та маҳаллаларнинг экин майдонларига, жумладан, 462 та сув истеъмолчиларига шартнома асосида зарур миқдорда сув етказиб бермоқдалар.

Президентимизнинг қарорларига асосан малакали олий маълумотли кадрлар тайёрлаш бўйича ходимларни олий даргоҳларда ўқитишни ва

хўжалик ҳисобидан контрактларини тўлаб беришни мақсад қилиб олганмиз. Ходимларимиз махсус устбош билан таъминланганлар.

Жорий йилда 167 та фермер хўжаликлари бошоқли дон етиштириш режасини ортиғи билан адо этишларида уюшмамиз аъзоларининг алоҳида ҳиссаси борлигини айтиб ўтиш жоиз. Шу кунларда пахта майдонларида кечаю-кундуз суғориш ишларини ташкиллашни назорат қилишда Муҳаммадали Юсупов, Ҳасанбой Каримов, Ҳомиджон Маҳмудов, Юсуфжон Мадраҳимов, Тўлқинжон Аҳмедов сингари ходимларимиз алоҳида намуна кўрсатиб, зиммаларидаги вазифаларни ўз вақтида амалга ошириб келмоқдалар.

Туман ҳокимининг топшириғига кўра, пахта экинини суғоришда сув-

дан мақсадли ва оқилона фойдаланишни ташкил этиш ва муаммоларни ўз вақтида бартараф қилиш юзасидан эълон қилинган зарбдор 40 кунликда фаол иштирок этиб, самарали натижа кўрсатган ходимларга буйруқ билан мукофот учун қимматбаҳо совринлар кўйилди. Бу борадаги эътиборга молик вазифаларни бажаришда уюшмамизни маблағ билан таъминлашда "FERGANA GLOBAL TEXTILE" МЧЖ пахтачилик кластери ҳомийлик қилаётир.

Биз экиннинг қони ва жони бўлган сувнинг ҳар қатраси мақсадли ва самарали сарф бўлишини назорат қилиш орқали мўл-кўлчиликка ҳисса қўшаётганимиздан мамнунмиз.

Алижон ЮСУПОВ, туман сув истеъмолчилари уюшмаси ижрочи директори.

УШБУ  
СОНДА:

2

\* Оила тинч бўлса – маҳалла, юрт тинч  
\* Суперконтракт:  
кимга фойда-ю, кимга зарар?!

3

\* Фармон ва ижро  
\* Одам савдоси:  
мураккаб жинойатлар занжири

4

Сабоқ бекати

\* Аҳли дониш дейдиларки...  
\* Ақл-ақлдан қувват олар  
\* Билиб қўйган маъқул





